

Resolución reitoral do 25 de maio de 2023, da Universidade de Santiago de Compostela, pola que se establecen as bases reguladoras e se convocan 26 contratos para a obtención da práctica profesional para alumnado de Máster (curso 2022-2023)

A Universidade da Santiago de Compostela convoca para o alumnado matriculado no actual curso académico, 2022-2023 nun Máster oficial da USC e que inician a súa andaina na investigación.

PRIMEIRA. Obxecto

O obxectivo desta acción será a de fomentar e promover o acceso e a iniciación á investigación mediante a atracción de estudantado matriculados nun Máster oficial da USC no curso 2022-2023, e que demostraron un nivel de rendemento académico no grao, a través dun plan de formación básica en investigación, centrado nun traballo de investigación supervisado.

O programa de formativo de iniciación á investigación contará coa supervisión dunha persoa investigadora da Universidade de Santiago de Compostela que titorizará a súa formación, e os contratos formalizaranse baixo a modalidade do establecido no artigo 11.3 dos Estatutos dos Traballadores (Contrato para a obtención da práctica profesional)

SEGUNDA. Réxime xeral

A Universidade de Santiago de Compostela convoca, en réxime de concorrencia competitiva, **26 contratos** para a obtención da práctica profesional para alumnos matriculados nun Máster Oficial na Universidade de Santiago de Compostela no curso académico 2022/2023. A dotación orzamentaria dos contratos será de **145.000,00 €** con cargo á partida orzamentaria **8050-359B-64000**, sen prexuízo de que este importe puidese ser incrementado en función da dispoñibilidade orzamentaria.

TERCEIRA. Características dos contratos

O importe da contrato, financiado polo Banco Santander, será de **540 € brutos mensuais** e a parte proporcional das pagas extraordinarias, no seu caso, devengadas.

A duración destes contratos será de **6 meses**, e o inicio da mesma será o primeiro día do mes seguinte ao da resolución definitiva de concesión, e sempre que a persoa beneficiaria achegue toda

a documentación requirida para poder activar a súa alta indicada na base décimo cuarta desta convocatoria.

A xornada de traballo será ao **50 por cento da xornada de dedicación diaria** (17, 5 horas semanais).

Esta axuda será incompatible con calquera contrato laboral activo na USC ou en calquera outra entidade pública ou privada. A persoa seleccionada deberá achegar unha declaración de incompatibilidade asinada, establecendo que no momento de aceptar dita axuda cumpre o establecido neste apartado.

O documento da declaración de incompatibilidade será facilitado previamente pola Vicerreitoría de política científica a través da Subárea de Convocatorias e de RRHH da Universidade de Santiago de Compostela ás persoas beneficiarias.

CUARTA. Requisitos de participación e incompatibilidades

Todas as persoas solicitantes desta convocatoria deberán cumprir os seguintes requisitos:

- Estar matriculados nun Máster oficial da USC no curso 22-23.
- Na data de inicio do seu contrato, a persoa beneficiaria non poderá ter ningún contrato laboral vixente cunha entidade de carácter público ou privado.
- Deberán estar en posesión dun título universitario do sistema educativo, que lles habilite ou capacite para o exercicio da súa actividade laboral.
- A data límite da obtención do título establecido no parágrafo anterior deberá estar dentro dos 3 anos anteriores ou, dos cinco anos no caso de persoas que acrediten algunha discapacidade, á data fin do prazo de solicitudes desta convocatoria.
- Non poderán participar aquelas persoas que xa obtiveran unha experiencia profesional ou realizado algunha actividade formativa na mesma actividade na USC por máis de 3 meses (non se terán en conta para estes efectos os períodos de formación ou prácticas que formen parte do currículo esixido para a obtención da titulación ou certificado que habilita esta contratación)

Por parte do/a titor/a do plan formativo:

- A dirección para a obtención da práctica profesional deberá estar a cargo dun PDI vinculado a un Grupo de Investigación da USC.

QUINTA. Presentación de solicitudes

A presentación de solicitudes farase a través da **Sede Electrónica** da Universidade de Santiago de Compostela, empregando o formulario de solicitude dispoñible dirixida á Vicerreitoría de Política Científica, ou por calquera dos medios establecidos no artigo 16 da Lei 39/2015 do 1 de outubro, do procedemento administrativo común das administracións públicas.

Na solicitude deberá indicarse que desexa participar na convocatoria de contratos para a obtención da practica profesional para alumnos de Máster curso 2022-2023. (non é preciso achegar ningunha documentación no momento de realizar este rexistro).

Realizada a solicitude a través do rexistro electrónico da USC, deberán rematar o proceso cumprimentando os datos requiridos a través da **plataforma informática do Banco Santander** á que se accede desde a seguinte ligazón:

<https://www.becas-santander.com/es>.

A documentación que debe anexarse na plataforma do Banco Santander será a seguinte:

- Copia do **expediente académico** do grao ou título equivalente no que consten as cualificacións obtidas e con expresión da nota media en base 10 obtida nos estudos oficiais que estea cursando ou cursara a persoa solicitante. No suposto de ter realizado estudos no estranxeiro nun idioma diferente ao inglés, a certificación deberá presentarse coa tradución oficial ao español ou galego.
- **Currículo Vitae** da persoa solicitante.
- **Carta de motivación** coa expresión do interese na obtención da bolsa.
- **Declaración responsable** manifestando que a documentación achegada e a información declarada é veraz e comprometéndose a achegar a documentación orixinal no caso de que lles fose requirida en calquera momento do proceso de selección ou durante o goce da bolsa. O incumprimento do requirimento dará lugar á exclusión da solicitude durante o proceso de selección ou ao reintegro da bolsa no caso de que a persoa resultase beneficiaria.
- **Copia do Xustificante de presentación no rexistro electrónico da USC** da solicitude de participación. **A non presentación** deste xustificante será motivo de exclusión nesta convocatoria.

SEXTA. Publicidade e prazo de presentación de solicitudes

As bases e a convocatoria publicaranse no **Taboleiro Electrónico** da Universidade de Santiago de Compostela.

O prazo de presentación de solicitudes comezará ao día seguinte da publicación no Taboleiro Electrónico e rematará **aos 10 días naturais** a contar a partir do día seguinte ao da súa publicación.

SÉTIMA. Criterios de selección e adxudicación dos contratos

A ordenación das solicitudes farase de acordo cos seguintes criterios, sobre unha puntuación máxima de 10 puntos:

- a) Os expedientes académicos das persoas solicitantes, que suporán o 80% da valoración obtida.
- b) O currículo vitae presentando, no que se terán en conta as publicacións, premios e a formación relacionada co obxecto das bolsas, entre outros aspectos. Este apartado suporá o 15% da valoración obtida.
- c) A expresión de interese das persoas aspirantes formulada na carta de presentación, que suporá o 5% da valoración obtida.

OITAVA. Instrución e tramitación do procedemento

O órgano competente para a instrución do procedemento será a Vicerreitoría de política científica da Universidade de Santiago de Compostela.

Á vista das solicitudes presentadas, o órgano instrutor realizará de oficio as actuacións que estime necesarias para a determinación dos datos en virtude dos que debe formularse a proposta de resolución.

No caso de advertir que a documentación presentada é incompleta concederá un prazo de emenda de 3 días naturais ás persoas solicitantes. De non emendar os defectos nese prazo, procederá ao arquivo da solicitude.

Unha vez emendadas as deficiencias que se aprecien nas solicitudes, a Vicerreitoría de política científica elevará a relación nominal de solicitantes xunto coa súa documentación á Comisión de Selección.

NOVENA. Órganos de selección

A Comisións de Selección será encargada de avaliar as diferentes solicitudes e de emitir un informe no que se concrete o resultado da avaliación, tendo en conta os requisitos xerais establecidos e os criterios de selección e adxudicación previstos na base Sétima.

O informe será remitido á Vicerreitoría de Política Científica e recollerá a ordenación de todas as solicitudes presentadas.

Constituirase unha comisión de selección que estará formada:

- **Presidente:** M^a Elvira López Mosquera, delegada para o Campus Terra.
- **Secretario:** Manuel Boquete Botana, Xefe da Subárea de convocatorias e RRHH, con voz e sen voto.
- **Vogais:**
 - ✓ Dous representantes designados pola comisión de investigación delegada do Consello de Goberno: María Elena Lopez Lago, profesora titular de universidade e Ana Paula Losada García, profesora axudante doutora.

UNDÉCIMA. Proposta de resolución

A Vicerreitoría de Política científica, a través da Subárea de Convocatorias e de RRHH da Área de Xestión da Investigación, á vista do informe da Comisión de Selección, formulará a proposta de resolución provisional de persoas beneficiarias dos contratos formativos que se publicará no **Taboleiro Electrónico** da Universidade de Santiago de Compostela e na **páxina Web da Vicerreitoría de Política Científica**.

Abrirase un prazo de **3 días naturais** a partir do día seguinte ao da publicación para presentar alegacións ou reclamacións á mesma.

Por tratarse dunha convocatoria en réxime de concorrencia competitiva, a Vicerreitoría de Política Científica publicará a relación de solicitantes que constitúan a lista de agarda para o caso de que existan renuncias das persoas beneficiarias. A lista de agarda unicamente terá efectos para as posibles substitucións daquelas persoas beneficiarias que renuncien ao contrato antes do seu inicio.

Rematado o prazo de alegacións e reclamacións, e unha vez revisadas s, ditarase resolución reitoral de concesión definitiva de persoas beneficiarias, así como a lista de agarda resultante, que se publicará no Taboleiro electrónico.

DUODÉCIMA. Aceptación e renuncia.

As renuncias das persoas seleccionadas que se produzan previamente á sinatura do contrato poderán dar lugar á incorporación de candidatos/as de reserva.

Calquera dúbida relacionada con esta convocatoria pode consultala a través do enderezo electrónico investigacion.rrhh@usc.es

DÉCIMOTERCEIRA. Obrigas das persoas beneficiarias

A persoa beneficiaria comprométese a realizar a súa actividade investigadora seguindo as indicacións da persoa titora e a cumprir as normas internas vixentes no Centro de traballo, en especial aquelas relativas ás políticas preventivas de riscos nos lugares de traballo.

A persoa beneficiaria comprométese a presentar á persoa responsable da súa titorización, unha memoria das actividades realizadas (máximo 1000 palabras) para a súa conformidade, no prazo máximo de dez días naturais dende o remate da súas practicas, asinada por ela e pola persoa que a titoriza

DECIMOCUARTA. Disposición derradeira

Contra a presente resolución, que esgota a vía administrativa, poderase interpoñer un recurso contencioso-administrativo ante o Xulgado do Contencioso-Administrativo de Santiago de Compostela, no prazo de dous meses contados desde o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Non obstante, as persoas interesadas poderán interpoñer un recurso potestativo de reposición no prazo de un mes perante o órgano que a ditou. Neste caso non se poderá interpoñer o recurso contencioso-administrativo antedito mentres non recaia resolución expresa ou presunta do recurso administrativo de reposición, ao abeiro dos artigos 123 e seguintes da Lei 39/2015, do 1 de outubro, do procedemento administrativo común das administracións públicas.

Santiago de Compostela, a XXXX de maio do 2023

O Reitor

Antonio López Díaz

Sinatura dixital / Firma digital / Digital signature

Asinante/Firmante/Signer: ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA,
25/05/2023 10:58:08.

CSV: 0BCA-FEAD-4F16-A912